

# UGOVOR O KUPOPRODAJI I ISPORUCI ROBA

Zaključen dana 1. 11. 2019. godine, između:

**Javne ustanove Osnovne škole „Silvije Strahimir Kranjčević” Sarajevo,**  
Adresa: Mehmed-paše Sokolovića br.2, 71 000 Sarajevo (u daljem tekstu Ugovorni organ),  
kojeg zastupa direktorica Dženita Kurtović, Identifikacijski broj:42000236350006 ,budžetska  
organizacija 2102013 (u daljem tekstu: Kupac)

i

**„Digital line” d.o.o. Sarajevo**

Adresa: Marka Marulića do br.2, 71 000 Sarajevo (u daljem tekstu: Prodavac) kojeg zastupa  
direktor Ermin Kuluglija, dipl.ing.el., Identifikacijski broj: 4200078850004, Žiro račun:  
Unicredit bank : 3383202200155076 (u daljem tekstu: Prodavac).

## I PREDMET UGOVORA

### Član 1.

Predmet ovog Ugovora je kupovina i isporuka roba – klimatizacijski uređaji ( u daljem tekstu: proizvodi), prema specifikaciji iz ponude broj: 00721 od 30.10.2019.godine, koja je u prilogu ovog Ugovora i čini njegov sastavni dio.

## II CIJENA

### Član 2.

Ukupna cijena proizvoda iz člana 1. ovog Ugovora je 2.270,00 KM bez PDV-a, odnosno 2.655,90 KM (slovima:dvijehiljadešestotinapedesetpet KM i 90/100) sa PDV-om.  
Cijena utvrđena u ovom Ugovoru je cijena koju je Prodavac dao u svojoj ponudi broj 00721 od 30.10.2019.godine.  
Za vrijeme trajanja ovog ugovora cijena se ne može mijenjati.

## III NAČIN PLAĆANJA

### Član 3.

Plaćanje Prodavca, po ovom Ugovoru vršit će se na osnovu ispostavljene fakture nakon što Prodavac isporuči i ugradi proizvode Kupcu.  
Plaćanje se vrši na žiro račun Prodavca br. 3383202200155076 kod Unicredit Bank Sarajevo.  
Nakon isporuke proizvoda ispostaviti će se faktura koju će Kupac platiti u roku od 30 dana od dana isporuke i montaže kupljene robe.

## IV ROK ISPORUKE

### Član 4.

Prodavac se obavezuje da će za potrebe Kupca dostaviti proizvode iz člana 1. ovog Ugovora sa naznačenim količinama u roku od pet (5) dana od dana potpisivanja ovog ugovora.

## V. GARANCIJA ZA KVALITET ISPORUKE ROBE

### Član 5.

Prodavac garantuje da će robe, koje su predmet ovog Ugovora, biti uobičajene, tj. standardne i ugovorene kvalitete, a u svemu prema važećim propisima i standardima za ovu vrstu nabavke.

Sve eventualne reklamacije Kupac je dužan dostaviti Prodavcu pisanim putem odmah, a najkasnije u roku od 5 (pet) dana od dana prijema proizvoda.

Garantni rok za isporučene proizvode je 12 mjeseci od dana isporuke kupljene robe.

## **VI ISPORUKA**

### **Član 6.**

Prodavac se obavezuje da prije primpredaje ovlaštenom licu Kupca omogući pregled isporučenih proizvoda po vrsti, količini i kvaliteti. Ovlaštena osoba od strane kupca je direktorica škole.

## **VII UGOVORNA KAZNA**

### **Član 7.**

U slučaju kašnjenja u isporuci robe, do kojeg je došlo krivicom Prodavca, isti će platiti ugovornu kaznu u skladu sa Zakonom o obligacionim odnosima u iznosu od 1% naručene nabavke, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti nabavke koja je predmet narudžbe. Prodavac je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa, u protivnom Kupac će umanjiti fakturu za navedeni iznos.

Kupac neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje Prodavac nije mogao uticati niti ih predvidjeti.

## **VIII VIŠA SILA**

### **Član 8.**

Prodavac ne podliježe ugovornim kaznama i raskidu Ugovora zbog neizvršavanja obaveza, ako i u onoj mjeri u kojoj je njegovo kašnjenje s izvršenjem Ugovora ili drugi propust u izvršavanju ugovornih obaveza rezultat više sile.

## **IX OSTALE ODREDBE**

### **Član 9.**

Sve eventualne sporove Ugovorne strane će rješavati sporazumno u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je stvarno nadležni sud u Sarajevu.

### **Član 10.**

Sve izmjene ovog Ugovora mogu se vršiti isključivo i samo uz pismenu saglasnost obiju ugovornih strana.

### **Član 11.**

Prodavac i Kupac mogu raskinuti ovaj Ugovor slanjem pismene obavijesti o raskidanju ugovora. Rok za otkaz ugovora je najmanje 15 dana od prijema pismene obavijesti.

### **Član 12.**

Na sve institute i pitanja koja nisu regulisana ovim Ugovorom i Standardnim uslovima poslovanja Ugovornog organa, a mogu biti bitna za njegovu realizaciju, neposredno će se

primjenjivati odredbe Zakona o obligacionim odnosima.

**Član 13.**

Ovaj Ugovor stupa na snagu nakon što ga potpišu ovlaštena lica Ugovornih strana.  
Rokovi po ovom Ugovoru počinju teći od dana stupanja na snagu Ugovor, ukoliko posebnom odredbom nije ugovoren neki drugi datum kao početak toka roka.

**Član 15.**

Ovaj Ugovor sačinjen je u 4 (četiri) istovjetna primjeraka, od čega Prodavac zadržava 2 (dva), a Kupac 2 ( dva) primjerka.



Broj: 111-01E/18  
Datum: 01.11.2018.

ZA KUPCA:

Direktorica

Dženita Kurtović

Broj: 12-2-1033-3/19

Datum: 31.10.2019.godine

